



Broj: T18 0 KT 0018505 25
Brčko, 07.07.2025.godine

Optužnica potvrđena dana 15.07.2025.godine

Na osnovu člana 35 stav (2) tačka h) i člana 226 stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

A. P., rođen 1979. godine u Brčkom,

Što je

Dana 19.04.2025. godine oko 09,15 časova u Brčkom pri povoljnim vremenskim uslovima i sunčanom danu upravljao putničkim motornim vozilom marke "Škoda Octavia" registarskih oznaka i broja T24-A-..., te se kretao ulicom Kulina Bana iz pravca naselja Rijeke ka ukrštanju ove ulice sa ulicom M.Ć.Ćatića, pa na mjestu gdje je trebao na ovoj raskrsnici, da se vozilom kretanjem ulijevo uključi u ulicu M.Ć.Ćatića, olako držeći da neće doći do saobraćajne nezgode, i pored jasno postavljenih i vidljivih saobraćajnih znakova na cestama u vidu Znaka II-2 "Stop"- obavezno zaustavljanje i pravougaonog saobraćajnog ogledala Znak VIII-35 ("prema Pravilniku o saobraćajnim znakovima i signalizaciji na cestama, načinu obilježavanja radova i prepreka na cesti i znakovima koje učesnicima u saobraćaju daju ovlaštena lica BiH"), oboje sa njegove desne strane, koje ogledalo je namijenjeno i pružalo ovom vozaču osiguravanje s obzirom na svoje mjesto postavljanja potpunu preglednost na udaljenosti preko 100 metara za potrebe sigurnog, njegovog uključivanja u saobraćaj sa sporedne ceste na prioritetni cestovni pravac, znak "Stop" davanje prednosti svim vozilima koji se kreću cestom na koju nailazi, što mu je bilo dovoljno da izbjegne saobraćajnu nezgodu, iako mu je dio vidika zaklanjalo rastinje sa njegove lijeve strane, olako držeći da neće izazvati saobraćajnu nezgodu, odsustvom dužne pažnje i pažljivog osmatranja ulice preko ogledala, propustio da uoči nailazak motocikla marke "HONDA" SD 03" registarskih oznaka i broja J39-A-... kojim je upravljao L. S., čime je A. kao vozač postupao suprotno odredbama člana 49. stav 4.u vezi sa članom 50. stav 1. Zakona o bezbjednostima saobraćaja na putevima u Bosni i Hercegovini ("Službeni glasnik BiH" broj 6/06, 75/06,44/07, 84/10, 18/13, 8/17,89/17, 9/18, 46/23, 88/23), pa umjesto da procjenom položaja i brzine kretanja motocikla, kojeg je mogao uočiti na vrijeme, odloži radnju skretanja ulijevo, usljed učinjenih propusta nastavio svoje kretanje izlaskom i otpočinjanje radnje skretanja ulijevo na ulicu M.Ć.Ćatića, kada je na udaljenosti od oko 0,5 metara od razdjelne linije kolovoza došlo do naleta prednjim točkom motocikla na prednja lijeva vrata vozila "Škoda" pod uglom uzdužnih simetrala vozila oko 70°, usljed čega je došlo do slijetanja motoriste L.S. i njegovog pada na tlo uz udarnu silu koja je prevazišla elastičnu sposobnost kompezovanja kostiju, pa su tako kod istog nastale teške tjelesne povrede u vidu preloma kostiju lijeve podlaktice sa dislokacijom koštanih ulomaka i preloma desne lisne kosti

dakle, kao učesnik u saobraćaju na putevima koji se, iz nehata, ne pridržava saobraćajnih propisa na taj način ugrozio javni saobraćaj da je doveo u opasnost život ljudi pa je kod drugoga nastupila teška tjelesna ozlijeđa

čime je počinio krivično djelo – Ugrožavanje javnog saobraćaja iz člana 326. stav 3. u vezi sa stavom 1. Krivičnog zakona Brčko distrikta BiH.

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti.
Svako se smatra nevinim dok se pravosnažnom presudom ne utvrdi njegova krivica.****
